

田
間
詩
集

田間詩集卷第十五

客隱集

起戊申止己酉

寄懷魏子存武部

憶昔南園三載居，與君晨夕興何如？
詩篇謬荷推錢起，名位寧知讓魏舒。
老去江淹才欲盡，難餘周顗酒全除。
也聞對客頻相念，戒我窮愁少著書。

生還嶺外臥江村，曾有書通司馬門。
寄訊每勞詢活計，檢詩深荷匿狂言。
長篇卽席還能就，老眼書經未盡昏。
近日詞壇應獨步，樽前無我共誰論。

青陽道上

蹇驢溪上日初斜此去陵陽界正賒市口人家專哺鴨
村頭婦女共戲麻頻年奔走嗟雙鬢一路逢迎見九華
莫道鄉園風土近沿途錯認許多花

客陵陽同增岸汾仲師仲諸子遊仙壇卽事

陵陽山半古仙壇下指孤城似彈丸菜麥畦分鋪地錦
芙蓉峰削插天寒窮鄉幾戶容秦吏

邑關自秦時

遺跡千年

紀漢官

寶子明爲漢令

稍喜斷碑陰有字掃開苔蘚倚人看

漢家良吏止登仙煉藥飛昇蹟尚傳壇畔井漚騰紫炁
山腰竈墮涌丹泉銜盃忽漫傷前事披髮誰堪禮昔賢
倘遇子明騎鶴返可知今代是何年

訪畢牧生登御書樓有作

尚書府第縣西頭
零落家聲強應酬
細草綠延深巷古
高花白照小庭幽
國恩肯向新朝諱
故物猶憐御墨留
更有綸章皆世寶
許予瞻仰上層樓

隱內三首

一春旅食滯陵陽
辜負家園爛熳芳
雨夜難眠憂活計
花晨頓起憶新粧
衾裯久共猶餘煖
筥篋親裝尚有香
最是枕邊私語切
丁寧莫棄舊羅裳

別來茅屋已經春
遙想牽蘿雨後新
絡秀甘爲周浚屈
文君早識馬卿貧
屢從棕水梢家信
好指逆峰望旅人

多病莫徒勤服藥持經禮佛也傷神

新買湖莊近宅邊出門爲乞住山錢早移桃柳栽成徑
一任菱荷占却田卷幔看花宜有閣敲針垂釣可無船
白茅小構堪偕隱好待經營更兩年

咏陳國紫牡丹

陳氏園亭溪上斜新晴初放一叢花憑欄力弱歎朝雨
映水姿明鬪晚霞傾國自來非正色爲王早是歷中華
却憐蝴蝶紛紛夢猶認春風屬魏家

經旬苦雨負春光半日晴烘滿院芳色在齊宮迷小白
名於姚氏亞深黃九華殿裏偏驚艷一品衣邊但覺香

朱紫近來殘奪久未逢零落已情傷

深紅淺碧亦多姿爭託根從島上移總在中原稱富貴
偏矜北地有臙脂欺他宰相袍堪賭映得昭容袖不垂
極目煙光凝塞上可知此色正當時

濃芳幾朵照溪明也覺繁華擅一城小立朱闌憐燕領
忽催画鼓惱蛙聲漢宮寵屋金同賜吳女情癡玉是名
應是東皇頒特詔璽泥常許帶恩榮

同黃增岸楊嘉樹張師仲集陳園賞紫牡丹

陳家花朵大如繡朵朵開教正面看侑酒羞邀紅粉伴
駐顏應服紫金丹座中星映光堪摘杯底霞流色可餐

莫惜燒燈乘夜賞芳叢已見一枝殘

寓樓對

高樓整日倚溪邊最是覓傷尊
雨天野老趁歸爭渡過
舟人穩泊蓋蓬眠藥需久
惡初收效酒惡新筇枉費錢
城上起更何太急攪愁合在五更前

贈黃增岸

黃公俠氣早知名旅食山城志不平
客店互過相問疾
酒盃輪把各言情救飢自合投仁祖
謝病終知重長卿
莫上巨源書太切如今直道幾人行

陵陽雜詩

山城去住久，躊躇早是羈。栖一月餘米，賤值還思糲。
菜香吾豈歎無魚也，知患難交偏重。惟覺逢迎跡太疎，
咫尺敝廬歸便得。茅柴小葺且安居。

郭門無地可經行，況值春天不肯晴。一夜水崩橋盡斷，
連朝溪漲樹皆橫。欲尋官閣愁閣吏，偶有朋樽礙禁城。
賴是遊人多失意，時時買酒與同傾。

地主經旬迴未聞，怪來請謁尚紛紛。客多應使官聲損，
縣僻無勞吏治勤。同學自知交不淺，買山竊計俸難分。
故人似汝吾猶困，穩向江天臥白雲。

病餘無伴罷銜盃，且喜樓居眼界開。山色偶從雲表出，

溪聲長是夜深來卷篇聊遣窮途悶交際還憐大邑才
不爲荒城難久住春耕也要及時回

石經齋值蜀藻初度

五載一相見剛逢初度辰我於汗漫老君以應酬貧竹
色春來暗松聲別後新晨昏詩一卷只此慰孀親
高齋吟嘯久又見老狂來榻幾年猶在樽無夜不開論
交追古道應世亦奇才時命看將轉雄心且莫灰
時事竟如此升沉且莫論茅齋新換瓦蓬徑乍開門田
可供租稅家纔半嫁婚所欣佳子弟吟誦滿庭軒

置買湖莊述懷

南遊餘得百金裝爲買湖田十畝莊叱犢怕傷穿漁藕
祀盤且護繞堤桑擬開堂戶通臨水更浚溝渠免築牆
屈指樹陰難得大幾時萬綠映窗涼

共笑平生生計疎於今端合老樵漁撐船自趁侵禾鴨
倚杖閒觀噉草魚招隱豈無高士至爲鄰或有酒人居
年來久廢牀頭易只看農家種植書

江潮春漲逐村流孤嶼微茫一點浮履畝自分高下種
當門閒閤往來舟新荷拂水清三夏早稻登場開一秋
獨有寒冬稍蕭索梅花須種滿山頭

籬邊柳外萬芙蓉盡是江南遠近峰丘壑性靈原自富

煙雲眼界亦全供可知歲月閒纔算真覺交游老漸慵
歸隱卽今休恨晚種山猶擬十圍松

湖外山阿萬樹遮羣山只用一舟拏綠坡瘦地應宜竹
到頂荒崖可種茶地僻惟存樵子徑林深合有老僧家
何時供佛三間閣遙指湖心看藕花

吾家世業此江邊說起生涯亦可憐菱芡過冬皆是飯
雞豚入市卽爲錢霜前捕蟹愁無炬潮落關魚祇辦船
活計算來通不乏何須沃壤更求田

山一卷多水一灣居然稱水亦稱山惟求樹密常相覆
那得潮來竟不還蔬圃勤澆僮便瓜棚獨坐老人閒

編籬隔水通橋過總設柴門可要關

餘生已分老家園卜築湖中祇避喧每聽惡聲悲獨子
更憐古道有諸孫課耕半是爲牛馬擺俗應需了嫁婚
聞道清溪深可隱幾時南渡別成村買莊時門內聞有
愚者因不敢居後
竟爲
所害

過七姪蓮子居

吾兄昔愛傍湖居爾又開荒此結廬假僕勤需朝酒足
借牛力是晚耕餘人稀挈女同澆圃客到操舟自取魚
亦有小窗容几席毋妨農暇理琴書

寄懷石埭令姚六康初度

陵山山下一城偏，士俗民風異昔年。
難得遠村輸賦稅，漸聞闌闌有詩篇。
挑燈半是同書札，散吏常因辦客筵。
見說來遊多失意，終朝愁欠贈行錢。

邯鄲有夢忝同登，覺後升沉可盡憑。
我愧荷衣猶作客，君甘蔬食竟如僧。
詩囊未削傷時草，官舍長懸供佛燈。
但得茅齋容膝足，肯將三徑累良朋。

旅寓經春溪上樓，每聞人士說君愁。
苦遭惡客不相恕，深怪長官無厭求。
邑小未能逃責望，名高端合熟交游。
卽今初度賓朋集，誰是同聲與唱酬。

百家橋訪譚惟石不值

百家橋畔小溪回萬竹林中一徑開處士上城輸稅去
遊人下馬叩門來園廬直喚山童啓茗果還傳穉子陪
坐久欲眠歸店宿知君每醉夜深回

重九日陵陽諸子邀同晉江黃原虛新會朱錫
公暨楊嘉樹張師仲劉吉士汎舟舒溪卽事
陵陽風氣已將開座上人皆作賦才閩粵異鄉同把菊
溪山一路可銜盃初弦月趁船頭挂短笛聲隨柁尾來
醉插茱萸還齒序怪予鬚髯特相催

贈上海陳鱣江

伊昔再爲黃浦客如今總作白頭人試詢老友無多在

遍問通家已盡貧夢寐豈能忘澤國交游強半是遺民
劉侯好事休官早且喜虬江蹟未湮

上海舊令劉公開虬江

九子峰歌爲石埭令壽郭昆冶太守

引有小

大江以南山最奇秀者莫如九子吾嘗往來
江上望之岵岵排空揭青天而寒白日太白
詩所云天河挂綠水秀出九芙蓉是也郭公
昆冶來守是郡起二年政成化洽吾友姚六
康爲君蜀吏繪九子峰以爲公壽俾予歌以
志之予聞山有九十九峰而統之以九子蓋
自雒書川九禹貢誌載皆取諸九九爲陽之
成數是以古之尊稱頌祝其上者莫不通進
之以至於九蓋舉其成數爲言也姚君曰吾
公澤被南北望著中外雖大河喬嶽無以踰
之豈直與九子峰作鎮一郡表峙於江南而
已哉然吾聞古之頌壽者不稱華岱而稱南
山豈非以南山近在京邑故即據其朝夕之
可見者以頌其君於無疆則今之九嶷之圖

猶之南山之祝也因取
其意而歌之以侑公觴

九華之峰九十九芙蓉朶朶青可數最高乃是九子峰
下視諸峰皆培塿峙如仙掌挿青霄森似劒鋒寒北斗
千峰萬峰爭獻奇冠以九子咸頰首郭公粉署舊仙郎
一麾出作江城守貴池魚美豈足耽所羨茲山爲君有
朝夕看山鈴閣閑簿書堆案煙雲走公也爲政山出雲
同爲膏澤沾足久公名直共九峰高兄視黃山弟匡阜
屬吏見山如見公以茲寫山爲公壽諸山羅列九峰前
拜跪能如屬吏否覽圖共笑山不如看山更進一杯酒

皖中酬成二鴻廣文

廣文宦罷興蕭然流寓江城久不旋弟子醲金營小閣
修羊取息抵良田浮沉市上交疑濫嫂罵樽前性苦偏
念我平生疎懶甚竭逢多難倍相憐

錫山山水夢難忘底事移居客皖鄉意氣似堪諧楚俗
衣冠時復做唐裝課孫自作溫經計賃婢能傳治饌方
膝下營情雙穉女阮郎婚畢及劉郎

公二女長歸阮氏次歸劉

幽栖特卜盛唐山曲巷疎籬不掩關雨過但思談卽往
日斜長是醉言還世情勸汝無多想生計傳予祇一慳
不是尋君何處去儘教人笑兩癡頑

端居未覺省交遊召客研經共一樓秋至漸看漁火亂

天晴時有鴈聲流異書偶借隨加點佳醑親儲不用謀
自說學仙無一效年來但得此心休

酬蔣素書見贈原韻

十年江上逐鷗盟來往江濞不到城講易敢言傳絕學
吟詩聊可送餘生深慚呂母椎牛義空負楊公証犢情
擬卜茅齋同唱和恐添新恨入歌聲

時以號子
竟齋晚

任克家霄漢樓成索詩

任華高閣頽城開楚水吳山面面迴日射丹題明塔
煙籠碧樹隱樓臺憑闌月涵三江上解帶風從萬里來
暢好炎天時召客八窗洞啓與銜盃

半帶江流半枕湖此中少得此樓無春雲欲起龍山暗
夕照將沉鴈淚孤燈火每隨賓客散板輿長共弟兄扶
臨風忽有吹簫興黃鶴天邊似可呼

煙渚迷茫一氣浮江聲樹色海門秋置身祇覺雲霄近
傾耳疑聞河漢流沙上渡迴歌浪過雨中帆滿趁幫收
何人不羨任公子日日垂竿坐上頭

虛堂小院趁幽情忽與攀梯上界行市井柳遮窺檻出
山城雨暗隔江晴空中結構多時就宦後優閒早歲營
吟罷新詩十六首白頭才盡和難成

亮家有落成詩十六首

贈汪子倫

不見汪倫三十年支離猶帶向來顛雄思劍銀青霄近
老態低頭白晝眠家事早交才子理客情爭恃內君賢
虛懷謬嗜田間集每日逢人誦幾篇

相看大抵鬢如絲跋扈飛揚憶昔時酒興減因豪太過
病根伏到老纔知樽前諧謔機鋒在戶外逢迎步履遲
念我傷心時搥擊每談血氣動鬚眉

月夜過沈氏江樓

何處堪乘月沈家樓最明晚來江更大秋到水初清遠
火移時隱孤舟犯夜行市門催客去早是起更聲

過張氏園通菴

瓜藤豆蔓滿柴關，新構精廬萬竹間。
半載有期常負約，一秋今日始偷閒。
參方笠挂留難住，時住山監院廚荒
僧欲去出未還。怪是入山偏值雨，山神要遣聽潺湲。

李廣宦倦早知歸，佛刹重興頗不違。
爲塑神僧祈法雨，舊有僧祈雨甚
靈今塑像於此特迎上座闡禪機。
馬隨牛跡尋山近，虎

聽魚聲過嶺稀。到此狂心應暫歇，夜深相對一燈微。

劉泰齋初度同三鴻卽席

鵬兒塘側訪柴荆，秋雨剛逢初度晴。
坐上項毛看並白，燈前眼力訝偏明。
心栖淨業常尋寺，跡潤時流不入城。
老友攜樽期共醉，更勞添酒誥平生。

憶昨中江織早攀繼匪曾得奉周旋論交忽漫過三紀
自癸酉訂交今三十八年矣序齒剛稱長十年愧我無家重入俗多

君有道不逃禪觀空兼得長生訣要妙何時附耳傳

雨過苔痕滿院侵幽栖除有道人尋入山竊附逃名志

傍郭還同遠害心酒後狂言容謔浪門前緩步筭登臨

何緣卜宅相鄰並日日追隨澤畔吟予頃因盜害困曉泰齊亦以被盜棲

近城

先生高節古人儔夢數吾鄉第一流陶令菊荒三徑晚

邵侯瓜熟滿園秋官家課稅偏應重胥吏侵凌莫漫愁

垂老翻添兒女累幾時纔遂向平遊

酬泰齋二鴻過江樓小飲卽席和韻

小閣含風秋欲闌，驚濤千頃靜中觀。
攀梯窺窳勞高屐，捲幔依違見遠巒。
虛擬琴高能控鯉，也知梅福竟驂鸞。
從今姻婭稱三隱，文酒追隨歲月寬。

石門湖歸

萬頃湖藏石作門，一溪疑到武林源。
漁舟近岸聞雞犬，馬鬣無碑問子孫。
內多墓籬下鹿馴依獵戶，樹根牛臥認
煙村。老農有飯留田主，濁酒頻添注瓦盆。

扁舟一宿石門湖，返棹沿湖日已晡。
水落苦愁河路曲，橋崩深念渡船迂。
沙邊蟹火沿途導，澤畔漁家記姓呼。

夜半虎行扉不開酒醒遙見月輪孤

大觀閣示王雲馭

老兄俸薄官廚儉令弟單栖暑閣寒身健欺風窗不開
夜深得酒寢偏安飲徒素性稱雄易慕敵非勦賭勝難
閒鎖雙扉時出郭秋山一帶盡情看

九日偕諸稚登郭外山

連朝陰雨困江隈向晚雲收霽色開
禪子卷書思過節老夫放假與登臺
興隨鬢髮年年短愁逐潮流夜夜來
却望故園腸斷盡庭階無復菊花盃

家湘靈書到寄示哭爾止詩卽成三首

仲文書至語堪悲遙寄秋風哭友詩早見病深催棹返
爾止在院得病予與二甥促之返誰知客死到家遲嗣孫賴得扶持去
爾止甫嗣一孫隨之東下妻女曾無訣別辭珍重平生諸素在篋中
零亂莫教遺

扁舟西上滯江濱值我奇冤恨莫伸老去共知心術正
難中吾見友情真一觴一咏完千古同學同年剩幾人

子與爾止相靈皆同壬子生

後事好煩王逸少

王安節爲爾止愛婿

他鄉寡弱

復誰親

捫髮論交四十年詞壇並駕苦爭先
先生還嶺外情彌篤死別江頭色可憐
晚歲忤時談字學爾止老攻字學每與人辨一生

得謗在詩篇塗山有集君須訂好是精嚴使必傳

聞雷

老臥滄江萬慮灰天心人事迴無猜冬暄忽作傾盆雨
日暮驚聞破柱雷民物開心妨有厄國家應運豈愁災
昨宵炎熱今晨冷變態真宜付酒盃

同成二鴻大雪節訪黎天錫卽事

坡上烏墮雪候新衝寒有伴覓同人楸枰遇敵爭
寒冷藥酒扶衰索醉頻預勅門無辭老友常留榻以待貧親
好施不爲忘恩倦縱信平原意氣真

天錫門多故人于有背之法者復來

宿張慎菴勸亭

獨宿江亭夜不眠
濛濛沙渚宿寒煙
月高負郭爭鳴析
風靜中流穩住船
往事已成莊叟夢
同人猶話義熙年
自矜老筆猶雄健
草草千言一郡傳

是夜皖中諸詩
屬爲郡守謀言

遇四明徐虞尊談及往事有作

四明羈客皖公城
邂逅江樓識姓名
爲聽鄉音詢老友
細談家難卽賈甥
捐軀早信談兵日
絕命猶存罵坐情
苦趣似予嘗已徧
較渠貪得幾時生

坐汪子西京寓齋看雪二鴻亦至

面郭高齋眼界寬
北風吹雪白漫漫
經冬始覺天時正
逼歲無言客路難
飲量未充重覓酒
熱腸相對早驅寒

廣文乘興衣冠古粧點唐人畫裏看

歲晚寓齋有作

高居軒豁俯江關，雪阻同人聚此間。
兩岸白平微見浪，千峰青沒不知山。
深憐渡馬空村避，時皖中養馬將渡江而南猶見
征帆逼夜還。誰肯歲除甘作客，擁爐餘得客中閒。

皖中除夕

雪暗荒城鼓歲華，千門燈火望中遮。
童愁犒酒忘爲客，婦病圍爐苦憶家。
稚子可知懷旅店，孤孫應是哭江涯。
故園此夕腸堪斷，愁聽樓頭更漏除。

傷心言

康熙七年十月二十四夜盜殺吾子
劉德澄偶出縣令胡必選匿不上問

歸力爭之漸爲諸上臺所覺乃撰誣詞圖塞盜案澄老病衰迷無力上控天道甚週公論自存澄惟伏地吞聲以聽冥報而已

吾兄遇難已經年飲泣終朝痛未宣劫數也應容孝子

報施不敢信蒼天細推骨相無凶法檢點平生少罪愆

莫是還家忘毀戒佛前未懺懺空懸兒在閩曾受戒既歸有室家疑毀戒

未懺故懺此死後或懺猶存

震澤單單脫網羅依然橫死可如何震澤之難兒母及弟妹俱死兒獨免

刀兵漫說皆前定罪業還疑自我多巾笥書殘誰替檢

草堂僧住忍重過月明獨向墳頭哭聞兒母墳上夜有哭聲曾憶

松間共嘯歌

自傷前路黑冥冥大事來求苦要惺

兄與姪龍友言前路冥冥有期苦參

詩句偶成隨棄稿俗緣難斷且持經

日與龍友跪誦諸經夢能認

我元無死報亦依期似有靈

兄死後現夢於予言死者非我且徵示以報復之期

夙債償完兒好去若翁腸斷哭誰聽

出入兵戈萬死餘餘生只擬舊田廬家庭敦睦全由汝

客路艱危屢諫予每憶良規防薄俗豈知奇禍是安居

最憐身後逢官怒一死鴻毛恐累渠

孝友平生鄉里知身殲贏得路人悲病終不過嗟無祿

逆死還應痛有期盜去暴屍情太慘

兄死後重被相驗官聞加

罪事真奇多生何業深如許聚合冤仇在一時

難日偏乘我客遊計傳通國淚爭流如何十日纔聞上

妄說三人共報仇

兒以十月二十四被盜至十一月初五縣報刺死又只報三人決定

賊虛寧有見

以失單爲虛當堂塗毀

縣知事秘豈同謀

無計諱盜沙云兒死

事屬賄賂

羣凶遠縱官無據園土惟將小豎收

拘兒小童收獄中

紛紛羣盜已通誅官吏加誣毒更逾篤行豈應如此報

奇冤卽恐自來無夜臺鬼近還容訴人世天高不敢呼

我老諒非相見遠呱呱愁兼兩三孤

制臺符下見如神謝事空勞洞察真

蒙郎督嚴駁隨以解任去付之不理

盜律過嚴偏諱盜人情可弱益無人仇曾不問加汗鹹

死亦何辜可怒嗔夜半官來棺自剖誰容屍見白頭親

予在府候審無間夜半遣
官開棺相驗竟不通知

幾番更計議紛紛責在須教大吏分

臆臆上官

怪底簿

詞頻改撰原來案牘總虛文訴冤有主能無問識獄何

言迴未聞

凡庭訊予從不得面質解上亦不檢予到

即使減三難指盜豈應

行刺可成羣

多兒減作三人謂三人不成盜三人可行刺乎

黑霧漫空咫尺迷啾啾冤鬼向誰啼苞苴祇爲徵官計

線索全憑老吏提

有老吏作奸四十餘年特爲謀主

擔卸高肩真得計

金藏狡窟不須齋

府有盜吏穴重資陰爲左右

可憐衰腐勞全力緘

口今生敢更題

山城聞變卽歸來枉以虛名早見猜馬上調符催卒返

燈前授旨許囚回

今初以遣捕聞予至反舉回又夜提燈至獄門諭盜黨如所指許即放還

共知駟槍傳家法敢信犁牛是盜慰生死遭逢皆此輩

教兒何以瞑泉臺

今家世駟槍有言其翁亦盜故庇之獨力

也知汝輩官偏重底事吾人命特輕國法可宜全倒置

良心或恐尚分明讞嚴祇據含沙匭

縣以私札言予之過庭讞時引以爲

詞黨衆通加弑主名

盜守門者十餘人入室者三有太遠房僕在內乃盡坐家人弑主

守無私公道在仍存疑案是何情

刀鋒火炬列成行面臉朱髯刺客瘞

情形如此劫質求乃稱刺客

金嫌入室殺人流血怪侵牀

盜縛兒入室逼財不渠遂被殺以此欲成疑獄

兇到卽填牢戶肚篋緘猶挂屋梁

獲二盜卽時斃以法而賊物滿籠尚懸

保甲
屋梁聞說家庭劇子道人間豈信有綱常令新每至署

屍橫血濺舉家空稚子何名繫獄中黃口聲嘶憑煨煉

青天手障也朦朧情知迂拙機偏捷事苦彌縫計未工

乘予暫出獨解久禁小僧教成誣詞以誤上聽敗漏正多渾不問金錢自信有

神通

老病誰能叫九閻世間公道亦空存朝廷法重徒滋弊

制府符嚴漸益冤蒙今督憲嚴駁乃反坐以奇誣吾口難符應得罪盜

名妨觸是何恩從今白晝無人問竊恐萑苻嘯漸繁

紛紛伏莽任縱橫梓鼓宵藏敢夜驚致我一門冤最酷

要渠萬戶啞無聲詞卑漫信仇能報計毒翻因賄不行

予入省遣吏甲詞求解誓爲獲盜先已墮術中今悔晚
是遣某吏行成予叱之曰防予益甚
教人罵煞老書生

新頒律令限猶寬漏網雖多捕不難非盜得情休滅口

毀賊何物尚經官

獲二盜卽繫杖下賊物又經府驗

但求伏法情甘罷

其奈臨供實不諱

盜供初盡吐實

已改獄詞誰辨得更仇枯骨

特無端

看君塞默自多慚奸吏譸張律久詬法網明開休踰六

辨端早伏只稱三

今有七強八盜及三人不爲盜之說不知何本魏氏獲盜其七特放一人

以致劫獄予家亦只勒報三人

大庭屏衆機何密官舍輸誠語太甘

以親

死者受誣生受辱人情到此豈能堪

予不聽

盈郊縱劫荷寬仁轉恃恩多殺害頻渡口婦空捐六命
鳥金渡吳氏被劫殞獄中卒又斃三人魏氏盜殺七人既獲在獄又殺
三孕婦計傷六命盜竊近而逃巢依近郭應全覆在郭外事發南湖且盡泯南湖營獲
盜供出所劫吾邑方氏似此蔽天非一掌吾兒冤恨教
胡氏二案力營得解誰伸

田間詩集卷第十五

田間詩集卷第十六

客隱集

庚戌

庚戌元旦一指巖書金剛經

早起風恬雪滿局春城鐘鼓最先聽模糊萬里江天白
掩映雙林佛火青已勅齋廚通禁酒況逢僧舍請書經
竹窗洒翰還如夢四十年來此再醒

予以壬申年書經
今三十九年矣

月下二鴻醉後邀同舍姪閒步

逆旅門惟閉良宵恨轉增一樽諸子共餘興老翁乘懶
對傷心月偏尋敗興燈可憐俱老健攜杖不煩憑

元宵前三日寓院上舍姪雪公五十初度并示

四姪介公

吾家逢此厄運也可如何孝友人虛譽賢勞汝獨多傷
心初度日流涕旅中過忍憶庭階集樽前共笑歌
去歲秋風後阿廉正四句可憐失意日來叩斷腸親祇
益吾兒痛休傷汝輩貧今晨同聚首相對淚痕新

寄毛恭則憲副天津

天南仗節舊勞臣回首風煙三十春端水序分鴻鴈杳
離江書寄鯉魚頻長憐絕塞詩篇壯可道中朝遇合新
笑我困窮成底事祇餘雙眼望交親

趨朝爭避惠文冠昵我狂談每夜闌雅調同時推北地

楚風不自黨公安醫中書少尋思得馬上詩成認彙難

恭則詩數十首錄方寸紙上人不能辨

把去新篇通不語貴音直待再三

看到桂林貽書稱生還集

百折平生志已違西山何計出重圍滇南事去班行盡

嶺外人回故舊稀每痛吳郎無檣返

謂鑑在

尚聞袁氏有

孫歸

聞特丘還里贖歸一孫

天涯可信狂奴在白首銜愁守釣磯

漢溪訪江在澹道上卽事

津城雨住徧春泥路過浮橋問漢溪
湓浦水添新漲闊
匡廬雲截曉峰齊
掉頭帽爲看山側
勒馬韉因懸草低
想見江淹詩興勇
清篇多在筍輿題

短橋瘦馬日將斜
過指孤城路不勝
麥隴離披傷雨葉
菜田零落隔冬花
隄崩迂轡尋荒徑
水涸牽舟覆淺沙
一帶炊煙知近縣
鼓聲應報晚陞衙

經旬陰雨不知春
入境欣逢霽色新
時事自宜安小邑
山川何幸得詞人
詩於作吏偏增妙
官比居家似更貧
莫謂此鄉民俗獷
也因清白漸知馴

落落官衙草市圍
宦遊心事已全違
地偏且喜逢迎少
俗陋惟疑唱和稀
時埽高齋留客榻
聊資薄祿奉親闈
通租徵罷庭無訟
彩筆花存任意揮

寓熊氏東阜

小築東臯，水環編籬，護竹隱柴關。短橋導客穿三徑，
又室邀僧住半間。燈火每偷深夜坐，酒盃拾趁雨天閒。
溪聲徹曉牀頭吼，疑聽奔泉萬仞山。

潘澹生索贈

城西大宅半荒墟，中有幽人小閣居。好潔市廛行亦少，
耽閒官長見全疎。看山屋礎惟張画，映日窗明獨點書。
更羨內君承雅志，茶香酒醖手親儲。

甫抵德安覓彭然石卽遇喜極有作

汗漫尋郎渚，維舟問所思。僕夫聊遣覓老友，若相期鞍
馬衝泥至。形容覲面疑，一時驚喜極不暇。斷心悲。

腸斷離江別偷往三千年僮奴一半在故舊幾人旋寄
我書隨荅懷君詩已傳最傷添老淚猶念小兒賢

同然石出西郊卽事

旅食春深可耐閒偶同鞭轡出西關許攜酒榼金泉寺
悔失桃花白兆山

白兆山卽太白讀書處桃花最勝

問卽官堤榆筴裏

馬尋岐路菜畦間人家不省臨溪住可惜沿城水一灣

太白樓

郎子城西太白樓登樓遙指碧山頭桃花帶雨年年放
澗水無人日日流名士有詩存一首此鄉勝蹟已千秋
老夫醉亦能高詠可許書題壁上留

碧霞書院爲高雲旂太守賦

鄭州城畔碧霞臺遺構荒頽此再開雲帶遠山江北盡
樹籠春水漢東來秋成好看盈郊穫夕照時銜醉客盃
期我登樓應有賦白頭無復仲宣才

返漢口不及抵寓寺野泊懷若朗

兩日江程一日還雨昏猶見漢陽山行人趁夜思投宿
榜客收帆畏上關野寺鐘來津市近晚堂課畢老僧閒
懸知茗熟園燈坐可道孤蓬滯此間

南塔寺

卽古臨阜

臨臯南郭寺古殿入顏垣白晝僧徒少黃金佛相尊樹

根欺宰堵帆影過山門隔院鳴鐘板威儀恐尚存

安國寺卽事懷晦山大師

出郭偶尋安國寺登樓遙憶晦山師已成覆院千竿竹

悔失當門數畝池

師種竹已成陰門有池爲俗僧占買去

得法比丘行托鉢

寄單居士臥吟詩懸知靈隱秋光好正是蒲團厭客

時

赤嶼亭

勝蹟荒殘古郡西同遊先後事攀躋看碑不覺千帆過
拂水遙憐萬樹低詩酒性情吾道在江山面目向時迷
地名偶被蘇公誤橫使周郎滿壁題

郭外虛亭逐伴過坡仙遺蹟滿巖阿黃泥也覺名殊古
赤壁何妨事偶譌買酒乘舟樊口近看山隔岸武昌多
當時只有吹簫客那得狂生共放歌

洗墨池

朱別駕牧仲營覽池
前後構雪堂竹樓

天寧寺側宋賢祠帖石新鋪洗墨池註易豈能超象數
相傳爲子瞻法易通經終不合時宜半生筆硯孤臣罪
處子瞻不解象數
一滴淋漓與代思更喜竹樓堪聽雨雪堂壁上少題詩

贈米二岳三岳自滇回寓居漢口

米家兄弟奇男子萬里生還天盡頭白首泥塗逢漢口
青春劒佩憶端州豹城異代家難認馬革當年志已休

看爾窮途攜累重不堪憔悴楚江秋

武塘友人爲相如解裘賞酒賦因綴次其事戲

題五首

成都才子宴華堂錦席無端綠綺張置酒祇知爲令客
窺簾偏是悅貲郎姮娥有路曾奔月織女凌河豈限梁
多謝臨卽繆恭敬殷勤特爲兩人忙

四壁雙栖慰語頻多情無怨暗傷神心憐病免難從宦
眼見貲雄不耐貧車騎謬矜遊子壯衣衾重憶嫁時新
也知歸去王孫賤要到成都作富人

倦遊餘得鷓鴣裘解去聊爲一醉謀縱酒莫添消渴症

典衣欲破遠山愁，琴存綠綺首堪懸。
賦直黃金價莫酬，簷鼻已拚親滌器。
客裘應是不須留。

奔去歸寧計已迂，不才最是自當爐。
共羞重客爲傭保，爭惜良家嫁酒胡。
市上數錢傳姪女，陌頭下馬看羅敷。
芳心更有琴挑者，未審相如見妒無。

自倚嬋娟更解音，如何不繫宦遊心。
儘拋田宅常爲客，愁向人家又奏琴。
取酒漫虛皇后賜，賣文祇易白頭吟。
茂陵聘妾傳難信，只信登徒本好淫。

太真出浴圖 小引

圖作小殿，圓屏銀甃，珠樹蘭蕙，浴罷芳澤如
春。起立屏間，以雙手挽巾，自拭雲鬢，欲亂寶

鍾未除酥軟微積纖纖剛穩下單薄綃綃
可觀方列三侍女一擎盞盞收其欲進一捧
藉以待一持團扇却立不前扇客玉映
若生真蕩心之尤物諒淫之治史也郎中無
事爲賦四章聊造閑情用消
承買比之博奕敗日猶賢

洞房春暖浴初闌小立屏風慢怯寒瓶隱花光羞映玉
湯餘芳澤不因蘭也知脂滑巾慵拭其奈春融汗未乾
裙繫薄綃遮底事爲防天子暗中看

娉婷出水倚風流金殿珠簾懶下鈎賜餅君王曾慣見
貼身宮婢欲誰羞豐憐腕膩難鬆釧弱怯鬟多未卸頭
一自華清同浴後白雲鄉已遜溫柔

一枝紅玉出冰壺解佩凌波得似無闌殿生憎遮寶扇

薰籠慢勅進羅襦沃餘新煖疑酣酒凭久微涼已凝酥
怪是纖趺平貼地盈盈不遣侍兒扶

最嫌脂粉浣傾城浴殿亭亭洗出清雪以沃湯爭護惜
花因澀露倍鮮明與他碧玉年偏小厭說昭陽體太輕
老去畫圖魂欲攝上皇爭怪不癡情

武昌署中對雨

高齋軒豁抵山居樹色峰陰入綺疏樓近漫邀文禪鶴
幕閒空食武昌魚陳思賦罷才猶湧謂曹無忌官貧客
有餘却怪楚鄉酣酒惡不堪醒對雨來初

鄂州山水向來奇深閑官衙總不知隔院歌聲憐翠袖

登樓樹杪見紅旗情懷作惡難尋酒心血全枯怕看基
況是打窗連日雨消愁剛有論文時

武昌署中集呂仙祠

幕中客病起
酬顧分韻

呂公祠啓署齋巖嵒首苔階禮大仙旅客臥疴初起日
山城淫雨乍晴天吹簫跨劍江樓近買酒題詩楚俗傳
今日可能邀一醉青詞應已徹香煙

又和張石欲韻一首

此去仙關隔幾重瓣香應透白雲封醉吟祇是人間酒
來往寧須海上峰作客易悲偏在楚爲儒多難莫如僂
乞君枕作邯鄲夢睡熟城頭漫打鐘

武昌試院望黃鶴樓作

黃鶴凌空入望頻，登臨虛擬大江濱。
楚王臺廢風猶壯，神女峰遙雨正新。
鎖院操觚悲往事，憑闌吹笛憶仙人。
庾公不淺南樓興，許到清秋放幕賓。

永州石硯

片石離離碧玉姿，湖南山色坐中移。
老夫得此全無用，攜向秋窗註楚詞。

武昌明遠樓

層樓三伏八窗開，頭白山翁逐伴來。
湖汎晚涼當檻入，江懸清影抱城迴。
憑高總豁衡文眼，攬勝遙憐作賦才。

好待月明殘暑退羣公乘暇再追陪

試院聞蟬

高樹一蟬鳴同時幕客驚已知更物候且喜是新聲咽
入文心苦吟矜使院清衰年容易感早動故山情

黃鶴樓同左子直孫威公鄧斯及夏振叔諸子

卽事

黃鶴磯頭四望開登臨千古客心哀山廻大別橫江抱
水過巴陵拆地來帝子騎龍終不返仙人跨鶴幾時回
憑高莫話興亡事白首青天酒一盃

鄂渚逢秋早清登樓面面見空明磯邊日落千帆渡

樹裏湖通九派平坐對晴川虛閣敞喧連漢口晚煙橫
昔年仙客經過地夜半時聞鐵笛聲

三楚風煙此最佳客來空憶昔豪華漢陽樹盡餘衰柳
鸚鵡洲沉長白沙故國粧樓歸道院異時宮闕建軍牙
擬將遺蹟詢酤叟無復臺邊舊酒家

自昔臺邊酒味醇呂公買醉往來頻笛從竊換仙音杳

舊時鐵笛每夜有音爲人竊換枕到眠酣世界真亭有呂仙臥像伐去棠枯根

不朽擲來桃爛跡如新相逢指點多靈異游客還疑晒

道人仙臺亭有晒道人

晴川閣卽事

岩峩虛閣竦晴川棟宇經烽故巋然漢口人家秋水裏
武昌城郭夕陽邊湖光面面疑無地帆影茫茫欲到天
黃鶴望中山色盡幾回芳樹憶當年

高閣凌空水上浮湖湘九派坐中收天清隱見黃陂樹
日落蕭條大別秋悵望楚宮悲浩劫閒開禹廟對安流
山巔風急遊人性脫帽吾須到上頭

爲邯鄲溫進士母孺人七十壽

武昌院裏秋風早登樓四望雲山好漢口驛路走京塵
令人却憶邯鄲道邯鄲道上車馬喧溫生城中獨閉門
弟兄耕讀家聲舊辛苦成名母氏恩武昌文衡君座主

蓮幕邀賓同入楚朝夕點閱不辭勞敢負當年母教苦
卽今母氏七十秋佳晨猶向武昌留戲綵不逐斑衣隊
瞻雲祇上黃鶴樓黃鶴仙人正酣寢支頭仍是邯鄲枕
枕中有路到君鄉附書與仙仙自領棗根桃核石間新
仙蹟明明報老親併將鎖院茹冰意說與高堂九膳人
留別魏子存學憲

使君春到楚雲開白首狂生入幕來身老尚爲無忌客
眼空偏賞仲文才授題橐素皆稱善促膝言多迴不猜
最荷故交推分遍叨霑已勝滿裝回

四海相知一子存千秋汝外向誰論談深儘犯當時譴

客賤還因老友尊，薄俗共驚車笠誼。
素心豈重解推恩，還家擬建存心閣。
從此飢驅不出門。

留別詩三首

蓮幕星飛秋漸殘，同時惜別駐江干。
東還月照孤帆遠，北去霜侵匹馬寒。
官舍放歌常共醉，驛亭高咏與誰看。
信陵好客如今少，莫歎天涯行路難。

溫虞甫

詩卷情親近一年，看君兄弟意蕭然。
尋山命屐清秋日，鎖院聯牀酷暑天。
閣裏酒殘樽未散，樓頭客去月偏圓。
官衙旅舍相鄰並，來往經過亦可憐。

魏州來兄弟

庾公賓客總翩翩，博物航奇有茂先。
把酒恢諧期盡醉，

聯牀轉側不成眠，霜清月滿辭油幕。
水落江寒趁米船，君到西泠逢老友。
爲言狂態遙當年，

張石鉉

過九江雨夜同子直宿文燈巖湖上書齋子直

病

檻外平湖湖外峰，繞窗清冽萬芙蓉。
何期剪燭同聽雨，忽訝披裘早禦冬。
坐有僧談茶沸久，爐因客病藥香濃。
明朝便逐孤蓬去，回首煙雲隔幾重。

鍊師紫煙索和咏雪詩次韻

舞絮紛紛亂撲窗，騰空蛺蝶笑成雙。
天花偏散當軒塔，銀漢遙鋪帶郭江。
煥藥清晨敲活火，吟詩午夜剔殘釭。

老狂心共燼灰死索和陽春興未降

成二鴻閣上邀龔孝積小飲紫煙在坐

廣文樓啓郡東偏小飲偏當欲雪天屋角暮鴉爭樹雀
城根波撼挂江船鍊師技藝樽前句老叟衰同画裏仙
爲敘昔遊今隔世雙成莫笑盡華顛

於家菴亭子

僧廬不改故家名亭子新增宴息情津市煙橫連郭帶
陂塘水闊映江明下方回望林巒隱上界平看遠近晴
更喜一泓泉涌井通城爭汲此泉清

題圖爲劉生初度

一道奔泉萬仞峯
洞門隱處兩三松
小橋過去蒼苔破
知有劉郎采藥蹤

田間詩集卷第十六